



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

V. Quod praelati non incedant publice sine roqueto, nec induantur sericis vestibus, nec calcient sotulares albos; & quod ad mensam ipsorum legantur sacrae scripturae.

urn:nbn:de:hbz:466:1-15644

Nos fidelium salutem animarum, ubi maius vertitur periculum, consulere volentes, vniuersis ac singulis archiepiscopis, vicariis, rectoribus, capellanis, clericisque curatis & non curatis per nostram provinciam vbilibet constitutis, nostro approbante Concilio præcipimus, ne de cetero huiusmodi clericos ad sanctæ matris ecclesiæ sacramentorum administrationem recipiant, aut in suis ecclesiis ministrare permittant, nostra vel episcoporum, in quorum dicecesi moram traxerint, non obtenta atque edocta commendationis licentia. Si vero secus fecerint, triginta regalium poenam eo ipso incurrant, dimidium fabricæ suarum ecclesiarum, dimidium vero pro expensis futuri sequentis Concilii applicandum.

V.

Gloriosum sacrosanctæ ecclesiæ corpus ab æterna Dei Patris prouidentia admirabiliter ordinatum, nullam iure in se deformitatem continere debet. Nos vero qui prælationis infula, licet immeriti, nutu diuino altius euecti sumus, tanto honestatis & vitæ fama inter alios præluere tenemur, velut sidera in firmamento cæli, quanto maiora sumpsimus de manu Domini, quatenus & membra per bona opera suo capiti correspondant. Quia igitur per exteriorem habitum, qui qualisve interior prælatorum ornatus esse debeat, significatur, prædecessorum nostrorum hortamenta sectantes statuimus, sacro approbante Concilio, vt archiepiscopi & episcopi veste lineæ superiori, vulgariter roqueto nuncupata, in

ANNO
CHRISTI
1473.

publico semper vtantur. Sericas vero vestes qualescumque, aut breuitate notandas, nec non sotulares albos ipsis præsentium tenore prohibemus. Contrarium vero facientes viginti florenorum aureorum pœnam qualibet vice ipso factò incurrant, dimidietatem ipsius pœnæ fabricæ ipsarum ecclesiarum, dimidietatem vero pro expensis Concilii sequentis irremissibiliter applicandam. In mensa vero prælatorum omnimoda seruetur honestas, & sacre scripturæ legantur, ita videlicet, vt fauces sumant cibum, & aures esuriant verbum Dei.

VI.

Ceterum ne clerici postquam in sacris ordinibus fuerint constituti, aut beneficiati extiterint, sericum, præterquam ab interiori futura chlamydis aut capuciorum, quæ vulgariter forratæ appellantur, nec rubeas seu claras virides vestes induere, aut caligas eiusdem coloris, seu sotulares albos, vel borsegnes albos vel rubeos, nisi cum nigris desuper sotularibus dumtaxat calciare de cetero præsumant, sacro approbante Concilio præsentis constitutionis tenore prohibemus. Clerici autem contrarium facientes, si in metropolitana aut cathedralibus ecclesiis beneficiati fuerint, per decem dies qualibet vice eo ipso portione sua multentur. Alii vero clerici extra prædictas ecclesias beneficiati duorum florenorum pœnam qualibet vice irremissibilem incurrant, dimidietatem fabricæ illius ecclesiæ in qua beneficiati existunt, dimidietatem vero pro teste synodali hoc exequente applicantes. Si tamen beneficiati non fuerint, vnus